

Durangoko 45. Euskal Azokarekiko kontu-errendapena

Durangon, 2010eko abenduaren 4, 5, 6, 7 eta 8an

Durangoko Liburu eta Disko Azoka, 2010. urteko abenduaren 4etik 8ra bitartean egin da *Landakosolo* lur eremuan kokaturik dagoen erabilera anitzeko Erakustazokan. 2010eko edizioko gai nagusia *Erotismoa* izan da eta gonbidatua oster, kultura kurdua. *Argizaiola* Saria Imanol Urbietari musikari eta musika irakasleari eman zaio.

Euskaltzaindiko Prentsa Zerbitzuak, Erakundeak Durangoko Azokan aurkeztu duenaren informazioa helarazi die komunikabide desberdinei. Horretaz gain, Euskaltzaindiko saltokian 2010eko nobedadeen berri ere ematen duen *Plazaberri* 8 banatu da.

2010ean *Euskera* Agerkaria argitaratu zela 90 urte bete dira eta data hau aintzat hartuz saltokiko horniketa, aipatu agerkariaren historia eta berriki izan duen eraldaketaren albiste emanez gauzatu da.

Hauek izan dira, Euskaltzaindiak Durangora eraman dituen azken nobedadeak:

- *Euskera* 2009,1.
- *Euskera* 2009,2 (ikerketa zenbakia) 1.zatia: *Ikasteredu elebidunak eta euskaren (Iker) molde berriak*.
- *Euskera* 2009,2 (ikerketa zenbakia) 2.zatia: *Gerra Zibila eta Euskal Literatura*.
- *Euskera* 2009,3.
- JAGON 10: *Ikastolen Mugimendua, dabilen herria*.

- *Hiztegi Batua* 2010.
- *Narrazioak eta Olerkiak* 2009: R. M^a Azkue sariketa.
- *Erlea* – 3.
- *Ahotsak, hitzak, hizkuntzak. Euskal olerki-antologia.*
- *Argitalpenen Katalogoa*, 2010.

Guztira Euskaltzaindiko 45 argitalpen desberdin eraman dira Azokara. Argitalpenen hautaketa eta kopurua, aurreko urteetako salmentak kontuan hartuz egin da. Euskaltzaindiak iaz baino gutxiago saldu du, jarraiko taulan azken urteetako bilakaera ikus daiteken arabera:

Urtea	Salmenta	Salduenak
2007	1.074,90 €	<i>Euskera</i> 2000,2 (<i>Hiztegi Batua</i>) (16 ale) <i>Agosti Chaoren bizitza...</i> (12 ale)
2008	1.523,17 €	<i>Hiztegi Batua</i> 2008 (18 ale) <i>Jagon 7, Testu-ant.</i> (15 ale)
2009	2.202,87 €	<i>Erlea</i> 1 (59) <i>Jagon 7, Testu-ant.</i> (11 ale)
2010	1.298,76 €	<i>Erlea</i> 3 (19) <i>Hiztegi Batua</i> 2010 (13 ale)

Bestalde Euskaltzaindiko saltokitik bisitari ugari pasatzen dira. Galdera eta kezkarik ohikoenak hauek izaten dira:

- *Euskaltzaindiko Arauak* harpidetzaren bilakaera
- Euskal ponte-izenen *Izendegia* zertan den
- Hiztegegintza: zer hiztegi mota daukagun
- Gramatika arloan zer daukagun.

Hurrengo edizioari begira bisita eta kontsulta hauek egoki zenbatu eta sailkatzeko ahalegina egingo dugu. Hala ere daukagun esperientzia eta datuekin iritzi batzuk behintzat eskain ditzakegu:

- Oro bat Euskaltzaindiak Azokan lortzen dituen sarrerak kostuan baino nabarmen gutxiago izaten dira, nahiz eta urte batzuetan orekatuagoak

izan. Hala ere Durangoko Liburu Azoka euskal kulturaren topagune eta agertoki bikaina izanik, pentsatzen dugu gure urteko presentzia beharrezkoa dela.

- Ahalegin bat egin behar dugu sarrera eta kostuen balantzea orekatzeko. Ahalegin horretan gure presentziak sorrarazten dituen gastuak murriztu eta hobesteko esfortzua egin beharko dugu. Horrekin batera, gure bezero eta bisitariak zer eskatzen diguten aintzat hartu eta horretara bideraturiko argitalpenak egoki eskaintzeko bidea ere aurkitu beharko genuke.

Bilbo, egoitza, 2011-I-14

Ricardo Badiola Uriarte,
argitalpen eragilea

Jon Artza Bikandi,
argitalpen banaketa arduraduna